



U ovom broju:

- ➔ **USVOJEN IZVJEŠTAJ O IZVRŠENJU BUDŽETA ZA 2016. GODINU**
- ➔ **LISTA KAPITALNIH PROJEKATA ZA 2017. GODINU**
- ➔ **POTPISAN SPORAZUM IZMEĐU OPĆINA TEŠANJ I USORA**
- ➔ **OBILJEŽEN 4. APRIL – DAN OTPORA FAŠIZMU**
- ➔ **STIPENIRANJE STUDENATA**
- ➔ **JAČANJE ULOGE MJESNIH ZAJEDNICA U BIH**
- ➔ **IV SAJAM SREDNJIH ŠKOLA I FAKULTETA**
- ➔ **AKCIJA PROLJETNOG UREĐENJA**



OPĆINA TEŠANJ

Trg Alije Izetbegovića 11

www.opcina-tesanj.ba

e-mail: optesanj@bih.net.ba





JAVNI POZIV ZA
dođeru sredstava za

RAZVOJ BIZNISA marginaliziranih grupa žena

Kome je namijenjeno?

Žene žive na selu,
Samohrane **majke**,
Nezaposlene **mlade žene**
mlađe od 35 godina,
Žene s invaliditetom ili sa
djetetom sa invaliditetom,
Nezaposlene **žene** koje žive i koje
će svoju djelatnost obavljati u
ruralnim sredinama.

Šta se finansira?

Troškovi **registracije**
firme/obrtu,
Da li u djelatni
mjestu: **poslovnog prostora**,
Da li u djelatni
troškove
pensionog i zdravstvenog **osiguranja**,
Da li u djelatni
troškove
nabavke **opreme i materijala**

Želiš se prijaviti?

Javni poziv je otvoren **do 30. aprila 2017.** godine

Detaljne informacije na:
Tel: 032/653-915, E-mail: tamara.turkic@opcina-tesanj.ba
www.opcina-tesanj.ba



biLTen *tešanjski* interno informativno glasilo

Godina XVII
mart/ožujak 2017.
Broj 71



Izdaje: **OPĆINA TEŠANJ**

Redakcija:

Edina Kadušić, Samir Brka,
Kanita Gredelj i Bahrudin Nočić.

Glavni i odgovorni urednik:

Edina Kadušić

Adresa Redakcije:

Općina Tešanj, Trg Alije Izetbegovića 11
74260 Tešanj

Telefoni: 032 650-341 i 032/650-022 (lokal 107)

Fax: 032/650-220

E-mail: press@opcina-tesanj.ba

Tiraž: 2.000

Štampa: Grafik-komerc

SAOPĆENJE ZA JAVNOST POVODOM SPISKOVA O LAŽNIM KORISNICIMA PRAVA NA INVALIDNINU I PENZIJU

Budući da se po ko zna koji put u javnosti pojavljuju spiskovi o „takozvanim lažnim korisnicima“ prava na invalidninu i penziju po osnovu posebnih prava za boračku i drugu populaciju, Općina Tešanj ima za potrebu javno reagovati.

Provjerili smo sva imena koja su na spisku sa područja općine Tešanj. Utvrdili smo da se spominje 20 imena, uglavnom porodica šehida i poginulih boraca.

Dodatnom provjerom smo utvrdili da su spomenute osobe u 90% slučajeva (ukupno 18 od 20 slučajeva), nakon njihove smrti redovnim postupkom, istog mjeseca izvedene iz prava po osnovu Zakona. U 2 od 20 imena koja se spominju za područje općine Tešanj, riječ je o izvođenju iz prava po drugom osnovu (udaja, gubitak prava po osnovu starosti djeteta), koje je također redovnim putem provedeno. Ni u jednom od 20 slučajeva nismo pronašli nikakvu nepravilnost.

Pozivamo sve organe, institucije, medije, javnost da, ukoliko žele provjere naše navode.

Pozivamo i prozivamo sve one koji na ovakav ružan način dovode porodice šehida i poginulih, te druge pripadnike boračkih populacija u pogrešan kontekst da, prije bilo kojeg spiska, prije bilo kakve prozivke ili paušalne procjene provjere svoje navode. Politikanstvo, neistine i promocija na račun časnih imena i porodica koji su se ugradili u temelje države Bosne i Hercegovine su najniži oblik ljudskog ponašanja.

***Prestanite manipulirati istinom zarad
sitnih i ličnih interesa!***

USVOJEN IZVJEŠTAJ O IZVRŠENJU BUDŽETA OPĆINE TEŠANJ ZA 2016. GODINU

Na protekloj 6. sjednici Općinskog vijeća Tešanj usvojen je Izvještaj o izvršenju Budžeta za 2016. godinu.


Prihodi Budžeta Općine za 2016. godinu su ostvareni sa **88%**. Nedostajućih 12% se isključivo odnosi na manje realizovano kreditno zaduženje i kapitalne grantove. I pored toga, ostvarenje od **14.837.613 KM** predstavlja najveću ostvarenu visinu prihoda budžeta u poslijeratnom periodu. Realizacijom prvobitno planiranog kreditnog zaduženja i kapitalnih grantova Budžet bi bio ostvaren u 100%-tnom iznosu.

Rashodi Budžeta su realizovani sa **83%**. Ostvarenje od **13.893.885 KM** predstavlja najveći realizovani budžet u poslijeratnom periodu. Ovo izvršenje je najveće i kada se iz analize isključi projekt kanalizacionih kolektora od 2 miliona KM.


Kapitalni dio Budžeta sa blizu **5 milona KM** čini najveću godišnju realizaciju u poslijeratnom periodu. Da je realizovano planirano kreditno zaduženje uz grant sredstva za projekat kanalizacionih kolektora ostvarenje Budžeta bi iznosilo **93%**. Projekt kanalizacionih kolektora u protekloj godini je planiran sa **3,7**, ugovoren sa **2,6**, a fakturisan sa **2 miliona KM**. Na taj način je **600.000 KM** preostao za realizaciju u 2017. godini, a dio od **1,1 milion KM** nije ugovoren i nije izvršeno povlačenje kreditnih sredstava.

Pored ovog projekta, za kapitalna ulaganja je utrošeno blizu **3 miliona KM**, a između ostalog rađeni su projekti vodosnabdijevanja naselja Medakovo-Trepče, Hrvatinovići-Tepe i Raduša (394.000 KM), industrijskih zona Bukva i Glinište (203.622 KM), gradnje sportskih dvorana osnovnih škola (146.000 KM), uređenje Ulice 1. marta (310.002 KM), završetak dvorane Musala (54.281 KM) i drugo.

Ostvarenje prihoda u odnosu na planirane iznose za 2016. godinu je iskazano u narednom grafikonu:



Struktura ostvarenih rashoda i izdataka Budžeta Općine za 2016. godinu je iskazana u narednom grafikonu:



OBILJEŽEN 4. APRIL - DAN OTPORA FAŠIZMU

Povodom općinskog praznika 4. aprila - Dana otpora općine Tešanj fašizmu, Općinski načelnik upriličio je prijem za predstavnike javnog i kulturnog života općine Tešanj. Prijemu je prisustvovala i delegacija Oružanih snaga BiH. Prigodnim govorom, gostima se obratio Općinski načelnik Suad Huskić, te u svom obraćanju istakao važnost 4. aprila za sve građane općine Tešanj.

Nakon prijema, položeno je cvijeće na Centralno spomen obilježje šehidima i poginulim borcima u Tešnju. Cvijeće su, u ime Općine položili predsjedavajući Općinskog vijeća i Općinski načelnik, delegacija Vlade ZDK, delegacija Oružanih snaga BiH, predstavnici boračkih organizacija i Odred izviđača Crni vrh. Tokom dana, cvijeće je položeno i na spomen obilježja u Jelahu i Tešanjci.

Isti dan, u Spomen sobi dodjeljene su nagrade za najbolji literarni rad učenika osnovnih i srednjih škola na temu *Dan otpora fašizmu*. Također, u Centru za kulturu i obrazovanje uručena su i Rješenja za stipendije Ministarstva za boračka pitanja ZDK, a u maloj sali CKO upriličena je promocija knjige Hasana Škapura.

Inače, prema odluci Općinskog vijeća 4. april - Dan otpora fašizmu se obilježava kao sjećanje na početke otpora agresiji na BiH 1992-1995. i sve značajnije događaje u ovom periodu, ali i iz ranije historije vezane za otpor ovog kraja fašizmu.



POTPISAN SPORAZUM IZMEĐU OPĆINA TEŠANJ I USORA

U Općini Tešanj potpisan je Sporazum za priključak MZ Žabljak na primarni kolektor B1. Sporazum su potpisali načelnici općina Tešanj i Usora, te istakli da je primarni cilj očuvanje okoliša, prije svega rijeke Usore.

Priključkom MZ Žabljak na primarni kolektor bit će riješen problem oko hiljadu stanovnika koji žive na prostoru ove mjesne zajednice. Nadam se da će radovi biti završeni u naredne dvije godine, kazao je Načelnik općine Usora Zvonimir Anđelić.

Općine Tešanj, Usora i Doboj Jug već 2012. godine načelno su se dogovorile da će zajednički raditi na jednom sistemu odvodnje i prečišćavanja otpadnih voda, tako da danas finaliziramo jedan dio tog dogovora. Kroz ovaj projekat Općina Tešanj će graditi primarnu mrežu i prostorom općine Usora, da bismo spojili ranije izgrađene dijelove, a Općina Usora će graditi svoj dio sekundarne mreže i to će biti spojeno na jednu jedinstvenu mrežu istakao je Općinski načelnik Suad Huskić.



ODRŽANA 6. SJEDNICA OPĆINSKOG VIJEĆA

U četvrtak, 30. marta u 14,00 sati u sali Općinskog vijeća održana 6. sjednica Vijeća sa predloženim dnevnim redom:

1. Izvještaj o izvršenju Budžeta za 2016. godinu,
2. Prijedlog Odluke o usvajanju Liste kapitalnih projekata za budžetsku 2017. godinu,
3. Prijedlog Odluke o utvrđivanju javnog interesa za rekonstrukciju raskrsnice na ulazu u Jelah /cesta M-4,
4. Prijedlog Odluke o usvajanju Programa novčanih podsticaja za unaprjeđenje poljoprivredne proizvodnje na području općine Tešanj u 2017. godini,
5. Prijedlog Odluke o gubitku statusa Javnog dobra-put,
6. Prijedlog Odluke o prodaji nekretnine radi oblikovanja građevinske parcele (Mišković Nikola, Rosulje),
7. Prijedlog Odluke o stavljanju van snage Odluke o osnivanju Mjesnih ureda Općine Tešanj u Kaloševiću i Šijama,
8. Prijedlog Rješenja o imenovanju komisija Općinskog vijeća Tešanj,
9. Informacija o posredovanju u zapošljavanju i socijalnoj sigurnosti nezaposlenih osoba na području Općine Tešanj za 2016. godinu,
10. Informacija o realizaciji projekta Adresni registar.

Tokom sjednice, najviše rasprave je bilo oko prve dvije tačke dnevnog reda: *Izvještaj o izvršenju Budžeta za 2016. godinu i Prijedlog Odluke o usvajanju Liste kapitalnih projekata za budžetsku 2017. godinu*, koje je Vijeće nakon dodatnih pojašnjenja, usvojilo.

I o ostalim tačkama dnevnog reda Vijeće je raspravljalo i završilo sa radom u 18,30 sati.

Prije održavanja sjednice Općinskog vijeća, održana je edukacija vijećnika na temu Poslovnik o radu Općinskog vijeća Tešanj. Predavač je bio predsjedavajući Općinskog vijeća Senad Subašić.



ODRŽANA 6. SJEDNICA SLER-a

U subotu 18. februara 2017. godine održana je šesta sjednica Savjeta za lokalni ekonomski razvoj (SLER). Dnevni red šeste sjednice bio je:

1. Usvajanje zapisnika sa pete sjednice SLER-a
2. Plan rada SLER-a za 2017.
3. Informacija o ulaganjima u poslovnu infrastrukturu – osvrt na 2016. godinu i plan za 2017. godinu.
4. Program općinskih poticaja za 2017. godinu
5. Prijedlog novih inicijativa

Tokom sastanka, SLER je usvojio Plan rada za 2017. godinu uz dva prijedloga – da se tematska sjednica realizuje u prvom kvartalu ove godine, a da se Izvještaj o strategiji ostavi za zadnji kvartal.

Predsjednik SLER-a, Općinski načelnik, je prezentirao *Informaciju o ulaganjima u poslovnu infrastrukturu – osvrt na 2016. godinu i plan za 2017. godinu* o čemu su članovi SLER-a dali pozitivno mišljenje. Općinski načelnik je predložio da za svaku dodatnu i opširniju informaciju ostavlja mogućnost razmatranja na posebnim sastancima, i da je svaka konstruktivna sugestija dobrodošla. Također, predstavljen je i Program općinskih poticaja za 2017. godinu, te je sjednica SLER-a završena u 12,10 sati.



POTPISANI UGOVORI ZA STIPENDIRANJE STUDENATA

U Velikoj sali Centra za kulturu i obrazovanje u Tešnju potpisani su ugovori za stipendiranje studenata u školskoj 2016/2017. godini. Ugovore su potpisali Općinski načelnik Suad Huskić i 372 studenta sa područja općine Tešanj koji ispunjavaju uslove konkursa. Praksa stipendiranja svih studenata koji ispunjavaju uslove, u Općini Tešanj započela je školske 2008/2009 godine, kada je stipendije dobilo 234 studenta sa područja općine Tešanj.

Od 2012. godine Općina Tešanj je na stipendiranje studenata izdvojila oko 1,4 miliona maraka. Ukupna vrijednost danas potpisanih ugovora je 350 000 KM. Ovu praksu želimo nastaviti i u narednom periodu, kazao je Općinski načelnik Suad Huskić.

Prigodnim govorom, studentima se obratio i predsjedavajući Općinskog vijeća Senad Subašić koji je istakao da stipendiranje studenata predstavlja najveći projekat općinske administracije u Tešnju.

Na općinski konkurs ukupno se prijavilo 417 studenata, od čega njih 372 ispunjava uslove konkursa. Ove godine, 335 studenata u narednih 9 mjeseci primat će iznos od 100KM, dok će studenti deficitarnih zanimanja primati iznos od 130 KM (37 studenata).



U OPĆOJ BOLNICI ZAVRŠEN PROJEKAT ENERGETSKA EFIKASNOST

U Općoj bolnici Tešanj obilježen je završetak projekta *Energetska efikasnost*, a koji je Opća bolnica Tešanj realizovala pod pokroviteljstvom Federalnog ministarstva prostornog uređenja. Kreditna sredstva je odobrila Svjetska banka, a garant je Vlada ZDK. Vrijednost ove investicije je oko milion maraka.

Svoje riječi zahvalnosti direktor Opće bolnice Tešanj dr. Rifat Sejdinović je uputio svima koji su na bilo koji način učestvovali u projektu i na taj način doprinijeli uspješnoj realizaciji.

Projekat *Energetska efikasnost* je podrazumjevao utopljanje zgrade, zamjenu krova i drvene stolarije, kao i sanaciju četvrtog sprata Opće bolnice u Tešnju.

Opća bolnica Tešanj je izrastala devedesetih godina u izuzetno teškom periodu. Mi danas želimo da ovo bude ustanova 21. vijeka koja je ravnopravna ustanovama u regionu sa visokim standardima opremljenosti i etičkih principa, kazao je Općinski načelnik Suad Huskić.

Također, isti dan je upriličeno i svečano otvaranje dva apartmana u Općoj bolnici Tešanj, a čiju je izgradnju finansirala HIFA grupacija.



Svečanosti su prisustvovali Potpredsjednica FBiH Melika Mahmutbegović, Federalni ministar prostornog uređenja Josip Martić, premijer Vlade ZDK Miralem Galijašević sa saradnicima, Općinski načelnik Suad Huskić, kao i predstavnici političkog i privrednog života na ovim prostorima.

U toku protekle godine u Opću bolnicu Tešanj je uloženo oko 2 miliona maraka, a menadžment ove ustanove najavljuje nastavak aktivnosti u cilju poboljšanja usluge zdravstvene skrbi o pacijentima koji dolaze u Opću bolnicu Tešanj.

POTPISANI UGOVORI SA UDRUŽENJIMA GRAĐANA

U sali Općinskog vijeća Tešanj potpisani su ugovori za finansiranje projekata udruženja građana za 2017. godinu. Ugovore su potpisali Općinski načelnik Suad Huskić i 56 udruženja građana sa područja općine Tešanj.

Prigodnim govorom, prisutnima se obratio Općinski načelnik Suad Huskić i zahvalio udruženjima na kvalitetnim projektima, te istakao dosadašnju korektnu saradnju sa svim udruženjima. Tokom 2017. godine očekuje se preko 100 javnih događaja, oko 500 utakmica, te angažovanje oko 5000 mladih ljudi, istakao je Općinski načelnik.

Na javni poziv, ove godine ukupno je pristiglo 88 projekata udruženja građana. Nakon provedene procedure, prihvaćeno je 78 projekata. U budžetu je za ovu namjenu izdvojeno ukupno 254 000 KM.



13. SAJAM PRIVREDE U MAJU

U prostorijama restorana Ukus u Tešnju održana je press konferencija Udruženja/Udruge privrednika *Biznis centar Jelah-Tešanj*, na kojoj je zvanično najavljen *13. međunarodni sajam privrede Tešanj 2017.*

Sajam će ove godine biti održan od 18. do 21. maja, a ovom prilikom su prezentovani i rezultati rada u protekloj godini.

Na press konferenciji su govorili Edin Jabandžić, predsjednik Udruženja privrednika, Izudin Ahmetlić, vlasnik jedne od najvećih kompanija u BiH, Općinski načelnik Suad Huskić i Marko Šantić, predsjednik Privredne komore FBiH.

Na ovogodišnjem Sajmu, očekuje se učešće oko 150 izlagača, a lokacija održavanja bit će DC Kraševo Tešanj.



BUDŽET ZA GRAĐANE

Općina Tešanj je izradila *Budžet za građane za 2017. godinu* kao svojevrsan vodič koji na jednostavan način prikazuje kako se planira prikupiti i trošiti novac iz budžeta Općine tokom 2017. godine. Vodič je namijenjen svima koji žele da se upoznaju sa procesom budžetiranja, prate realizaciju općinskih ciljeva i finansiranja svih aktivnosti koje se podržavaju općinskim budžetom.

Cilj ovakvog pristupa je da se javnosti omogući bolji uvid i razumijevanje načina na koji lokalne vlasti planiraju, raspoređuju i troše sredstva iz budžeta Općine.

Nadamo se da će ovaj vodič omogućiti bolje razumijevanje budžetskog procesa i veće sudjelovanje građana u izradi narednih općinskih budžeta.

Budžet za građane možete pogledati na www.opcina-tesanj.ba



LISTA KAPITALNIH PROJEKATA 2017

a) Mjesne zajednice

R. br.	Naziv MZ	NAZIV PROJEKTA	Lokalni budžet sa stavke Kapitalna ulaganja-Lista	Namjenska sredstva općine (vodne, sportske sale, koncesije)	Drugi budžeti	Mještani plan/MZ	Ukupno plan	Napomena
1	Bobare-Drinčići-Blaževci	Dio duga MZ-ice	10.000 KM	- KM	- KM	- KM	10.000 KM	
2	Bobare-Drinčići-Blaževci	Nastavak asfaltiranja puta G.Bobare-Blaževci	6.000 KM	- KM	30.000 KM	- KM	36.000 KM	Uvršteno kod ministarstva na listu, čekamo Sporazum
3	Bukva	Asfaltiranje puta Izudina Alićehajica u dužini od 102 metra	15.000 KM	- KM	- KM	10.000 KM	25.000 KM	
4	Dobropolje-Mekiš	NC Trzna Krušćik II faza	12.000 KM	- KM	- KM	5.000 KM	17.000 KM	
5	Džemilčić Planje	Put Smreče-Škola	15.000 KM	- KM	- KM	5.000 KM	20.000 KM	
6	Jablanica	Asfaltiranje puta Čaglići	15.000 KM	- KM	- KM	5.000 KM	20.000 KM	
	Školsko područje Jablanica i Karadaglje	Izgradnja školske sale	5.000 KM	25.000 KM	25.000 KM	- KM	55.000 KM	Općina i ZDK konstrukcija, a preko UNDP-a se očekuje izgradnja krova projekat JUMZ
7	Jelah	Nastavak gradnje puta Rastoke	45.000 KM	- KM	- KM	- KM	45.000 KM	
8	Jevadžije	NC Hrnjići II faza asfaltiranje	10.000 KM	- KM	- KM	5.000 KM	15.000 KM	
9	Kalošević	Asfaltiranje puta Bošnjaci-Asimova kuća	15.000 KM	- KM	- KM	5.000 KM	20.000 KM	
10	Školsko područje Kalošević, Mrkotić i Bobare	Izgradnja školske sale	5.000 KM	25.000 KM	25.000 KM	- KM	55.000 KM	Općina i ZDK konstrukcija, a preko UNDP-a se očekuje izgradnja krova projekat JUMZ
11	Karadaglje	Nastavak projekta pješačke staze Karadaglje-Koprivci-Jablanica	17.000 KM	- KM	- KM	5.000 KM	22.000 KM	
12	Kraševo	Put Donja Mahala	13.000 KM	- KM	- KM	- KM	13.000 KM	
13	Ljetinić	NC Čamdžići-Ljeskovac	10.000 KM	- KM	- KM	- KM	10.000 KM	
14	Medakovo	Vodovod	- KM	- KM	- KM	90.000 KM	90.000 KM	Završetak projekta, utrošak preostalih sredstava od učešća građana
15	Medakovo	Put-Brezovača	12.000 KM	- KM	- KM	10.000 KM	22.000 KM	
16	Miljanovci-Lončari i Novi Miljanovci	Sanacija i asfaltiranje puta Bare Palušak	15.000 KM	- KM	70.000 KM	10.000 KM	95.000 KM	Uvršteno kod Ministarstva na listu, čekamo Sporazum
17	Školsko područje Piljužići, Miljanovci-Lončari i Novi Miljanovci	Izgradnja školske sale	5.000 KM	25.000 KM	25.000 KM	- KM	55.000 KM	Općina i ZDK konstrukcija, a preko UNDP-a se očekuje izgradnja krova projekat JUMZ
18	Novi Miljanovci	Adaptacija Doma kulture	10.000 KM	- KM	- KM	5.000 KM	15.000 KM	
19	Mrkotić	Asfaltiranje puta u naselju Pelte	12.000 KM	- KM	- KM	7.000 KM	19.000 KM	
20	Novo Selo	Izgradnja asfaltnog puta Trnovac-Barići	10.000 KM	- KM	- KM	3.000 KM	13.000 KM	
21	Orašje Planje	Vraćanje duga iz ranijeg perioda	10.000 KM	- KM	- KM	- KM	10.000 KM	
22	Piljužići	Asfaltiranje puta Sole-Zovke	16.000 KM	- KM	- KM	5.000 KM	21.000 KM	
23	Raduša	Izgradnja vodovoda Raduša	- KM	150.000 KM	- KM	- KM	150.000 KM	
24	Rosulje	Asfaltiranje NC Agići-Bajina glava, nastavak	12.000 KM	- KM	- KM	5.000 KM	17.000 KM	
25	Šije	Asfaltiranje makadamskog puta Halilović-Alići	15.000 KM	- KM	- KM	10.000 KM	25.000 KM	
26	Školsko područje Šije	Izgradnja školske sale	50.000 KM	35.000 KM	25.000 KM	40.000 KM	150.000 KM	Predviđeni gubi radovi sa pokrivanjem uz učešće MZ
27	Tešanj	Lokalni put kroz Sejmenpolje, dionica: Raskrsnica Bunar do mosta Kašibovića (Stubovoda)	30.000 KM	- KM	- KM	5.000 KM	35.000 KM	
28	Tešanj	Vodovod Tepe Hrvatinić	- KM	200.000 KM	- KM	243.000 KM	443.000 KM	Nastavak i završetak projekta uz učešće JP Rad-a i građana
29	Tešanjka	Nastavak asfaltiranja puta Reduci-Numera	25.000 KM	- KM	- KM	5.000 KM	30.000 KM	plus očekivano učešće UNDP, projekat JUMZ
30	Trepče	Vodovod	- KM	- KM	- KM	90.000 KM	90.000 KM	Završetak projekta, utrošak preostalih sredstava od učešća građana
31	Trepče	Asfaltiranje puta Bare - Zlatići	15.000 KM	- KM	- KM	15.000 KM	30.000 KM	
32	Vukovo	NC Širbegovići	13.000 KM	- KM	- KM	- KM	13.000 KM	
		Total:	443.000 KM	460.000 KM	200.000 KM	583.000 KM	1.686.000 KM	

b) Projekti od općeg interesa

Red br	Projekti općeg značaja	NAZIV PROJEKTA	Lokalni budžet izvorno	Lokalni budžet namjenski (vodne)	Viši nivoi vlasti	Drugi izvori	Ukupno plan	Napomena
1	opći značaj	Izgradnja bunara PEBI	- KM	160.000 KM	- KM	40.000 KM	200.000 KM	JP Rad 40.000 KM
2	opći značaj	Uređenje obale rijeke Usore u Jelahu	- KM	- KM	250.000 KM	- KM	250.000 KM	Sredstva Agencije za vodno područje rijeke Save
3	opći značaj	Ugovaranje za izgradnju mosta Lejle Mulalić u Jelahu	- KM	- KM	800.000 KM	- KM	800.000 KM	Planirano ugovaranje izgradnje novog mosta Lejle Mulalić u Jelahu, I faza
4	opći značaj	Projektovanje i izgradnja rasvjete u zonama RP	25.000 KM	- KM	- KM	- KM	25.000 KM	Postoje dionice u zonama RP gdje nema rasvjete a nalazi se u zoni RP gdje građani plaćaju rentu (Tešanj, Jelah, Tešanjka)
		Total:	25.000 KM	160.000 KM	1.050.000 KM	40.000 KM	1.275.000 KM	

c) Projekti solidarnosti

Red br	Projekti solidarnosti	NAZIV PROJEKTA	Lokalni budžet izvorno	Lokalni budžet namjenski	Viši nivoi vlasti	Mještani plan	Ukupno plan	Napomena
1	Solidarnost	Trasiranje novih puteva	15.000 KM	- KM	- KM	- KM	15.000 KM	
2	Solidarnost	Obaveze po zaključcima Vijeća	10.000 KM	- KM	- KM	- KM	10.000 KM	
		Total:	25.000 KM	- KM	- KM	- KM	25.000 KM	

d) Koncesija i dodatna sredstva

Red br	Naziv MZ	NAZIV PROJEKTA	Lokalni budžet izvorno	Lokalni budžet namjenski	Viši nivoi vlasti	Mještani plan	Ukupno plan	Napomena
1.	Raduša	Izgradnja vodovoda Raduša	- KM	26.000 KM	- KM	- KM	26.000 KM	
2.	Orašje Planje	Izrada projektne dokumentacije i dogradnja doma kulture za potrebe MZ i ambulantnog prostora	- KM	20.000 KM	- KM	- KM	20.000 KM	
3.	Karadaglije	Dugovanje za izgradnju puta od ranije	- KM	20.000 KM	- KM	- KM	20.000 KM	
		Total:	- KM	66.000 KM	- KM	- KM	66.000 KM	
		SVEGA STAVKA:	493.000 KM	686.000 KM	1.250.000 KM	623.000 KM	3.052.000 KM	

NAPOMENA:

Raskrsnica Jelah - podrška Općine kroz sredstva eksproprijacije na posebnoj budžetskoj stavci. Uključena sredstva Ministarstva obrazovanja ZDK za školske sale 100.000 KM, nije još potpisan Sporazum, a osim sredstava kroz Listu je predložen određeni iznos.

Uključena su sredstva sa Federalnog nivoa za projekte koji su kandidovani u 2016. godini a trebaju se realizovati u 2017.

ODRŽAN START-UP DAN



U Tešnju je održan prvi Start-up dan Kreni, koji je okupio 90 građana/ki sa područja općina Gračanica, Tešanj i Petrovo. Ovo je bila jednodnevna aktivnost koja je okupila vodeće aktere iz različitih područja društveno-odgovornog poslovanja, kao i preduzetnike, inovatore, kreativce, lidere i poslovne entuzijaste u raznim poslovnim kategorijama.

Učesnici ovog projekta su imali priliku predstaviti svoje biznis ideje iz različitih oblasti koje imaju komponentu društvene odgovornosti kako bi pomogli svojoj zajednici. Uz pomoć stručnjaka koji podstiču društveni razvoj, kreiraju poslovna rješenja i posjeduju znanje, vještine i kontakte koji utiču na ekonomske promjene u BiH, osobe sa najboljim idejama su dobile savjete kako da na najbolji način projekti budu integrisani u njihovim zajednicama. Na ovom događaju su predstavljene 32 ideje.

Start-up dan jedna je od aktivnosti u okviru projekta Jačanje uloge mjesnih zajednica u BiH koji predstavlja zajednički projekat Vlade Švicarske i Vlade Švedske u vrijednosti od 14,5 miliona KM, a sprovodi ga Razvojni program Ujedinjenih nacija (UNDP Bosna i Hercegovina). Cilj projekta je povećanje demokratskog i direktnog učešća građana Bosne i Hercegovine u lokalnoj upravi, jačanje odgovornosti općinskih vlasti i poboljšanje infrastrukture i usluga na nivou mjesnih zajednica. 125 mjesnih zajednica i 23 jedinice lokalne samouprave širom zemlje učestvovat će u prvoj fazi projekta, čime će se doprinijeti poboljšanju kvalitete života 300.000 ljudi širom zemlje.

OTVOREN DRUŠTVENI CENTAR U MZ DOPROPOLJE-MEKIŠ



U sklopu projekta *Jačanje uloge mjesnih zajednica (MZ) u Bosni i Hercegovini (BiH)*, u subotu 18.03.2017 godine u zgradi mjesne zajednice Dobropolje-Mekiš otvoren je Društveni centar. Prostor će se koristiti za druženja, radionice, rađanje novih ideja i uspješnu realizaciju budućih projekata Zajedničkim sredstvima UNDP-a, Općine Tešanj i mjesne zajednice u iznosu od oko 24.000 KM završena je adaptacija zgrade i vanjsko uređenje, te uređenje prostorija kancelarijskom i informatičkom opremom.

Projekat *Jačanje uloge mjesnih zajednica (MZ) u Bosni i Hercegovini (BiH)* je zajednička inicijativa Vlada Švicarske i Švedske, čija je vrijednost 14,5 miliona KM. U aktivnostima prve faze koja će trajati do sredine 2019. godine, učestvovat će 120 mjesnih zajednica i 20 JLS širom zemlje, čime će utjecati na poboljšanje kvalitete života 300.000 ljudi.

SASTANAK SA PREDSTAVNICIMA MJESNIH ZAJEDNICA



Općinski načelnik sa saradnicima organizovao je radni sastanak sa predsjednicima savjeta i sekretarima mjesnih zajednica kako bi razgovarali o usvojenoj Listi kapitalnih projekata za 2017 godinu. Na sastanku su prisustvovala 44 predstavnika 24 mjesne zajednice, dok su predstavnici jedne mjesne zajednice bili spriječeni da prisustvuju, a svoj izostanak su na vrijeme pravdali. Razgovaralo se o kandidovanim projektima sa aspekta spremnosti projektne dokumentacije, pribavljenih dozvola za gradnju, građevinskih odbora, očekivanju predsjednika savjeta kada je u pitanju učešće građana u sufinansiranju projekata. Ovom prilikom, predstavnicima mjesnih zajednica su predstavljeni nosioci aktivnosti u ime općinske administracije za svaki projekat.

Općinski načelnik se zahvalio svima na dolasku, izdvojenom vremenu i nesebičnom zalaganju koje ima za cilj razvoj sredina koje oni predstavljaju.

DELEGACIJA ZAJEDNIČKE KOMISIJE ZA EVROPSKE INTEGRACIJE PSBIH POSJETILA OPĆINU TEŠANJ

Delegacija Zajedničke komisije za evropske integracije Parlamentarne skupštine Bosne i Hercegovine (PSBiH), koju su činili predsjedavajući Zajedničke komisije Nikola Lovrinović i članovi Komisije Fehim Škaljić, Ljilja Zovko i Sifet Podžić, u društvu šefa Misije OEBS-a u BiH Jonathana Moore posjetila je Općinu Tešanj, gdje su razgovarali sa Općinskim načelnikom Suadom Huskićem i predstavnicima Udruženja privrednika *Biznis centar* Jelah, Tešanj. Općinski načelnik Suad Huskić naglasio je da općina Tešanj, u kojoj je na 43 000 stanovnika zaposleno oko 11 500, bilježi najveći privredni rast u BiH u posljednje četiri godine. Prema riječima Općinskog načelnika, na području općine Tešanj djeluju 2 242 poslovna subjekta, koja imaju preko 1,3 milijarde KM prometa i izvoze u 60 zemalja svijeta, te naglasio da je u Tešnju u posljednje četiri godine stopa zaposlenih porasla za 34 posto.

Članovi Zajedničke komisije za evropske integracije PSBiH istakli su da je zadatak zakonodavnih i izvršnih vlasti na svim nivoima da pomognu privredi, kreirajući političku stabilnost i što povoljniji poslovni ambijent.

Na sastanku sa predstavnicima Udruženja privrednika izražen je zajednički interes za ostvarenje saradnje između predstavnika poslovne zajednice i predstavnika zakonodavne i izvršne vlasti, posebno u procesu primjene Sporazuma o stabilizaciji i pridruživanju i u procesu evropskih integracija Bosne i Hercegovine.

Nakon sastanka u Općini Tešanj, delegacija je posjetila i fabriku za proizvodnju keksa *As d.o.o.* u Jelahu.



OKRUGLI STO: MJERE ZA UNAPREĐENJE POSLOVNE KLIME, KONKURENTNOSTI I TRŽIŠTA RADA

U organizaciji Zajedničke komisije za evropske integracije Parlamentarne skupštine Bosne i Hercegovine, u Tešnju je održan Okrugli sto na temu: Mjere za unapređenje poslovne klime, konkurentnosti i tržišta rada. Na otvorenju Okruglog stola govorili su Nikola Lovrinović, predsjedavajući Zajedničke komisije Parlamentarne skupštine BiH, Općinski načelnik Suad Huskić i Jonathan Moore, šef Misije OEBS-a u BiH.

Drago mi je da je ovakav skup organizovan u Tešnju, kako bi razgovarali o poslovnoj klimi, konkurentnosti i tržištu rada. Na području općine Tešanj djeluje 2.242 poslovna subjekta, koja imaju preko 1,3 milijarde maraka prometa i izvoze u 60 zemalja svijeta. Od ukupno 43.000 stanovnika zaposleno je oko 11.500. U posljednje četiri godine stopa zaposlenih porasla je za 34 posto. Čuda su moguća ali se rijetko dešavaju, mora se puno raditi. Ne pojedinac, nego cijela zajednica, svi moraju prepoznati viziju i dati doprinos njenom ostvarenju, kazao je Općinski načelnik Suad Huskić. O aktuelnom stanju po pitanju poslovne klime, konkurentnosti i ciljevima u smislu poboljšanja poslovne klime i konkurentnosti u BiH na putu evropskih integracija govorili su Dragan Milović, pomoćnik Ministra vanjske trgovine i ekonomskih odnosa BiH, Fadil Novalić, Premijer Vlade Federacije BiH, Zlatan Klokić, Ministar za ekonomske odnose i regionalnu saradnju Vlade Republike Srpske.



LED RASVJETA U INDUSTRIJSKOJ ZONI BUKVA

Povodom završetka postavljanja stubova i puštanja u funkciju LED javne rasvjete kroz Industrijsku zonu Bukva upriličen je susret Općinskog načelnika Suada Huskića i Ministra obrta, razvoja i poduzetništva FBiH Amira Zukića sa privrednicima koji posluju u ovoj Industrijskoj zoni.

U posljednje četiri godine Federalno ministarstvo je putem javnih poziva investiralo preko 500 hiljada maraka u Poslovnu zonu Bukva. Općina je na to još sufinansirala preko 200 hiljada maraka. Konkretno, u rasvjetu je uloženo oko 150 hiljada maraka sredstava Ministarstva i oko 70 hiljada sredstava Općine Tešanj, kazao je Općinski načelnik Suad Huskić.

Susret sa privrednicima iskorišten je kako bi se čuli njihovi prijedlozi za izmjene zakonske procedure koje bi omogućile stvaranje povoljnije poslovne klime.

Ovo što je do sada uradila Općina Tešanj i njena administracija zaista je za pohvalu i faktički grad Tešanj predstavlja grad uzor, kada je u pitanju odnos općinske administracije i poslovnih subjekata. Rezultat je upravo ono što vidimo ovdje, jedna savremena velika zona koja zapošljava veliki broj ljudi, kazao je Amir Zukić, Ministar obrta, razvoja i poduzetništva FBiH.

U Industrijskoj zoni Bukva radi više od 25 poslovnih subjekata, sa preko 2500 radnika. Postavljanje LED rasvjete je zajednički projekat Općine Tešanj, Federalnog ministarstva obrta, razvoja i poduzetništva, UNDP-a i Švicarske vlade. Izvođač radova, firma *STEP d.d.* Sarajevo je postavila ukupno 61 LED svjetiljku.



SASTANAK SA NAČELNIKOM



U Tešnju je upriličen *Sastanak sa Načelnikom (Town Hall Meeting)*, odnosno dijalog Općinskog načelnika Suada Huskića sa građanima, predstavnicima mjesnih zajednica, lokalnih vlasti, nevladinog sektora i medija.

Sastanak sa Načelnikom je aktivnost koja se realizuje u okviru projekta Jačanje uloge mjesnih zajednica u Bosni i Hercegovini, koji je zajednički projekat Vlade Švicarske i Vlade Švedske, a sprovodi ga Razvojni program Ujedinjenih nacija (UNDP).

Tema Sastanka sa Načelnikom je razgovor o planovima razvoja općine kroz prizmu građanske participacije, sa naglašenom novom ulogom mjesnih zajednica, kao centara direktnog učešća građana u općinskim procesima.

U suštini mi imamo vrlo intenzivnu komunikaciju, a ovaj put ta komunikacija će biti manje formalna, dakle bit će jednostavnija. Ovo je prilika da razgovaramo o svim otvorenim pitanjima i teme za razgovor su dosta široke, kazao je Općinski načelnik Suad Huskić.

Sastanak sa Načelnikom oslanja se na postojeći koncept, koji kroz kombinaciju intervjua Načelnika sa moderatorom/voditeljem, te kroz postavljanje pitanja od strane

publike, analizira nekoliko ranije definisanih segmenata koji se dotiču glavne teme.

Fondacija za razvoj i demokratiju, kao vanjski saradnik na projektu, organizovat će sastanke u 23 općine/grada koji učestvuju u projektu, kako bi doprinijeli razvoju kapaciteta građana kao aktivnih sudionika procesa donošenja odluka, kroz sastanke i debate sa temom funkcionisanja mjesnih zajednica. Sastanak u Tešnju je prvi organizirani sastanak u nekoj od općina koje učestvuju u projektu.

MALEZIJSKI AMBASADOR POSJETIO TEŠANJ



Ambasador Malezije u BiH Nj.E. Anuar Kasman boravio je u zvaničnoj posjeti općini Tešanj i ovom prilikom se susreo sa Općinskim načelnikom Suadom Huskićem. Bila je ovo prilika da se Ambasador upozna sa Tešnjom i privrednim potencijalima, kao i da dobije informacije kako uspostaviti bolju i čvršću saradnju u oblasti ekonomije.

Posjeta je realizirana sada, zbog nadolazećeg Sarajevo Biznis foruma koji se održava u maju, kada će biti prisutan veliki broj privrednika. Želja je da privrednici iz Malezije koji budu učesnici Sarajevo Biznis foruma posjete Tešanj i na licu mjesta se uvjere u mogućnosti saradnje, kazao je Ambasador Malezije u BiH Nj.E. Anuar Kasman.

Ovakvi sastanci sa predstavnicima diplomatskog kora u našoj zemlji su dobro došli, većina tih sastanaka donese konkretne zadatke i ciljeve, a na dobrobit svih građana koji žive u našoj zemlji, kazao je Općinski načelnik Suad Huskić.

Nakon sastanka sa Općinskim načelnikom, Ambasador Malezije u BiH je posjetio kulturno-historijske spomenike u gradu. Službena posjeta Ambasadora je završena posjetom kompaniji Madi, koja je već postala prepoznatljivo ime na bh. tržištu ali i šire

POTPREDSJEDNICA FBIH MELIKA MAHMUTBEGOVIĆ POSJETILA TEŠANJ



Potpredsjednica Federacije Bosne i Hercegovine Melika Mahmutbegović posjetila je općinu Tešanj. U Općini Tešanj sastala se sa Općinskim načelnikom, a sastanku su prisustvovali i predsjedavajući Općinskog vijeća Senad Subašić i pomoćnik Općinskog načelnika Azra Muslija.

Potpredsjednici smo predstavili kako funkcionišu život u općini Tešanj, kako je organiziran javni sektor, kako taj javni sektor ostvaruje svoju svrhu podrškom privatnom sektoru. Ujedno smo imali priliku da iznesemo prijedloge i ideje za unaprjeđenje ukupnih prilika u BiH, kazao je Općinski načelnik Suad Huskić.

Općina Tešanj je prepoznatljiva po jednom pozitivnom okruženju - poslovnom i životnom, i u to sam se uvjerila evo sad na sastanku kod Načelnika. Upoznali smo se sa funkcioniranjem Općine, sa stanjem u poslovnom sektoru, u društveno-ekonomskom, dakle jedna pozitivna priča koja sigurno može biti recept i uzor za sve ostale općine u BiH, istakla je Potpredsjednica FBIH Melika Mahmutbegović.

Nakon sastanka u Općini Tešanj, Potpredsjednica FBIH sa delegacijom Općine posjetila je kompaniju Tešanjski kiseljak, koja je svoj kvalitet i ove godine potvrdila osvajanjem titule najbolje flaširane mineralne vode na svijetu.

Tokom radne posjete Tešnju, Potpredsjednica FBIH Melika Mahmutbegović posjetit će Centar za djecu sa poteškoćama u razvoju, Opću bolnicu Tešanj kao i Udruženje žena Ruka Kalošević.

POTPISANI UGOVORI O STIPENDIRANJU STUDENATA IZ REDA BORAČKIH POPULACIJA



U velikoj sali Centra za kulturu i obrazovanje u Tešnju, Ministar za boračka pitanja ZDK uručio je rješenja Ministarstva za boračka pitanja ZDK o stipendiranju studenata u školskoj 2016-2017. godini. Ove godine stipendiju Ministarstva za boračka pitanja dobilo je 137 studenata sa područja općine Tešanj, ukupne vrijednosti 154.400 KM.

Prigodnim govorom, studentima su se obratili Općinski načelnik Suad Huskić i Ministar za boračka pitanja ZDK Fahrudin Čolaković.

Početak marta, u Tešnju je potpisano i 372 ugovora za općinske stipendije ukupne vrijednosti 350.000 KM.

U TEŠNJU ODRŽAN ČETVRTI SAJAM SREDNJIH ŠKOLA I FAKULTETA

U Tešnju je održan četvrti Sajam srednjih škola i fakulteta. Organizator Sajma je Općina Tešanj u saradnji sa srednjim školama sa područja Tešnja. Sajam podržava i Udruženje privrednika Tešnja, a sve u cilju školovanja kadra u skladu sa stvarnim potrebama privrede. Ove godine na Sajmu je učestvovao 31 fakultet, 10 srednjih škola i 4 institucije koje su vezane za obrazovanje ili zapošljavanje.

Želja nam je da mladim ljudima na jednom mjestu pokažemo mogućnosti koje imaju kada je u pitanju izbor daljeg obrazovanja i usavršavanja. Vjerujem da će na ovaj način donijeti kvalitetnije odluke, kazao je Općinski načelnik Suad Huskić.

Sajam srednjih škola i fakulteta traje jedan dan i održava se u Sportskoj dvorani u Tešnju. Učenici, njih oko 1.300 sa područja općine Tešanj, ali i susjednih općina, kao i njihovi roditelji, imali su priliku prisustvovati sajamskoj prezentaciji škola i fakulteta sa prostora cijele Bosne i Hercegovine. Na ovaj način želi se omogućiti mladim ljudima, maturantima osnovnih i srednjih škola, lakši izbor srednje škole ili fakulteta.

U prethodne tri godine, na Sajmu je učestvovalo oko 20 različitih fakulteta iz cijele Bosne i Hercegovine, 10 srednjih i 15 ostalih institucija koje su vezane za obrazovanje.



AKCIJA PROLJETNOG UREĐENJA OKOLIŠA

U nedjelju 19.3.2017. povodom 22. marta - Svjetskog dana voda organizovano je proljetno uređenje i čišćenje na cijeloj teritoriji općine Tešanj.



Predstavnici MZ Mrkotić, zajedno sa omladinom i polaznicima mektske nastave organizovali su akciju čišćenja smeća uz lokalne puteve, od magistrale prema stazi zdravlja i čišćenju kompletne staze zdravlja, čišćenje oko šehidske česme i džamije. Poslije akcije je slijedilo druženje uz roštilj svih učesnika.

Sportsko ribolovno društvo Jelah je također organizovalo akciju čišćenja obala rijeke Usore i Bosne, na ribarskoj stazi u Jelahu, brani u Kraševu i u Šijama kod 5+. Očišćen je teren uz ribarsku stazu, na Rastokama i kod mosta na rijeci Usori, kao i kod brane u Kraševu.

USR BLINKER Kalošević, članovi KBS BORAC iz Jelaha u saradnji sa učenicima iz Kaloševića organizovali su akciju čišćenja obala rijeke Usore i jezera Mrkotić, pristupnih puteva, platoa Eko parka u Kaloševiću i Izletišta kod jezera Mrkotić. Učenici su očistili dvorište osnovne škole, plato ispred mjesne zajednice Kalošević i Eko park, dok su ribolovci očistili obale rijeke Usore nizvodno do jezera Mrkotić. Pored jezera Mrkotić zasađeno je dvadeset sadnica višnje.

Odred izviđača Crni vrh Tešanj izveo je akciju na uređenju Turističko-rekreacione zone Kiseljak. Uređene su zelene površine, te vodotok rijeke, od izvorišta kiseljaka Oaza do mosta na ulazu u Karadaglije. Akciji su se priključili i polaznici mektske nastave džemata Karadaglije. Inače, MIZ Tešanj je na svih 36 lokaliteta gdje se obavlja mektska nastava organizovao čišćenje okoline sa polaznicima mektske nastave.

Predstavnici MZ Piljužići su čistili teren oko potoka, kao i uređenje prostora oko sportskog terena i kancelarije MZ Piljužići.

Općina Tešanj je angažovala nezaposlene osobe sa Biro-a na uređenju parka oko mezara Muse Ćazima Ćatića, dok su sve firme na zimskom održavanju radile na čišćenju kolovoza od zaostalog posipnog materijala.

Svim učesnicima akcije (cca 1800) uručene su zaštitne rukavice, vreće za smeće, sendviči i sokovi, koje je obezbjedila Općina Tešanj. Prikupljeno smeće (preko 500 vreća) JP RAD je odvezla na gradsku deponiju u Bukvu.

Apelujemo na sve građane da se odgovorno ponašaju prema prirodi i da smeće odlažu na predviđena mjesta bez zagađivanja životnog prostora.

SVEČANOST U POVODU DANA CIVILNE ZAŠTITE

U povodu svjetskog Dana civilne zaštite i Dana civilne zaštite Federacije BiH, 1. marta je u Vatrogasnom domu Tešanj održana svečanost kojoj je pored Općinskog štaba civilne zaštite prisustvovao dio organizovanih struktura civilne zaštite općine Tešanj, predsjedavajući Općinskog vijeća, direktor Kantonalne uprave civilne zaštite, te predstavnici službi zaštite i spašavanja. Prisutnima su se obratili komandant Općinskog štaba CZ Suad Huskić i načelnik Općinskog štaba CZ Menusr Saletović koji su istakli značaj civilne zaštite u potpunom sistemu zaštite i spašavanja, potrebu organizovanja i opremanja struktura civilne zaštite, te njihovom obučavanju. Naglašene su značajne aktivnosti koje su vođene na provođenju preventivnih mjera, otklanjanju posljedica od poplave i klizišta, opremanju i obučavanju, sa akcentom nakon katastrofalnih poplava 2014. godine. Posebno je naglašena opredjeljenost Općine Tešanj za daljim opremanjem i jačanjem struktura civilne zaštite, izražavajući nadu da će kroz iste svoju podršku dati i organi civilne zaštite Kantona i Federacije BiH.



Tokom svečanosti, istaknutim kolektivima za doprinos u izvršavanju određenih zadataka od značaja za zaštitu i spašavanje ljudi i materijalnih dobara na području općine Tešanj u 2016. godini, Općinski štab civilne zaštite Tešanj je dodjelio zahvalnice civilne zaštite. Zahvalnice su dodjeljene za: **Metalurški institut "Kemal Kapetanović", Zenica** - Zavod za zaštitu i ekologiju, **Federalna uprava civilne zaštite, Sarajevo** - Sektor za organizaciju deminiranja i uništavanja eksplozivnih sredstava i **Kantonalna uprava civilne zaštite Zeničko-dobojskog kantona**.

OPERATIVNI PLAN INTERVENTNIH MJERA ZAGAĐENJA RIJEKA

U Općini Tešanj je tokom mjeseca marta održan zajednički sastanak predstavnika Općine Tešanj, JP "Rad" Tešanj, Policijske stanice Tešanj i predstavnika sportskih ribolovnih društava sa područja općine, na kojem je razmatran i usaglašen Operativni plan interventnih mjera za slučaj zagađenja rijeka na području općine Tešanj. Svi prisutni su kroz Plan usaglasili konkretne mjere i aktivnosti i utvrdili nadležnosti u slučaju nastanka zagađenja.



SASTANAK SA PREDSTAVNICIMA ŠPD ZAVIDOVIĆI I ELEKTRODISTRIBUCIJE

Služba civilne zaštite, općine Tešanj, provodi redovne preventivne aktivnosti na zaštiti od požara i drugih prirodnih nesreća u proljetnom periodu. Slijedom toga i preporukama Federalne uprave civilne zaštite u prostorijama Službe civilne zaštite, održan je sastanak sa nadležnim organima, predstavnicima ŠPD Zavidovići-PJ Tešanj, poslovnice Elektrodistribucije Zenica, gdje je razmatrana trenutna situacija u ovoj oblasti, mogućnosti za poboljšanje i zajedničko djelovanje. Razgovaralo se o kapacitetima koje posjeduju ove službe, broju ljudi za gašenje požara, opremljenosti, obučenosti, operativnom djelovanju na terenu i drugo. Sastanak o istom je planiran sa predstavnicima Policijske stanice Tešanj i Kantonalne uprave za šumarstvo-odjeljenje Tešanj.



